

# ادبیات عمریه مجبوری

هفته‌لق سیاسی ، ادبی و علمی غزته در .

جلد : ۱

سنه : ۱      ۵ ربیع الاول ۱۳۳۵      جمعه ایرتسی      ۱۷ کانون اول ۱۳۳۲      نومرو ۹

## سفارتنامه آمدی غالب افندی

الحمد لله الذي هدانا لهذا السلام وايدالدين القويم المبين بالتأييد التام والصلوة والسلام على نبينا محمد سيد الانام قال الله الصلح سيد الاحكام وعلى آله واصحابه الذينهم اولو السعادة وعالي المقام وبعد بو عبد محتاج الطاف ومواهب حضرت واهب سيد محمد سعيد غالب حسب الاستطاعة والمكاسب بو وجهله اشعار مشهودات واخبار معلوماته راغب كافة واقعات زمانيه مقتضاي تصاویر ازليه اولوب هربرينك مقدمات ونتائجنده احكام خفيه اولغله الله كشمش آتمشدر آني ايمه جدل تيغ لايستل عمايفعل مآلى باصدق حال اولوب دولت عليه ابدى الدوام صانها الله تعالى الى يوم القيام ولمع انوار شوكتها مادام الليالى والايام ايله فرانسى دولتى بيننده اوچيوزسنه مقدارى اثار مصافاة جارى وعوارض وتغيردن عارى اولديغندن بشقه معلوم خواص وعوام اولدينى وجهله فرانسى دولتى مبدل جمهوريت اولدينى هنكامده دخى مرعى اولان عهد سابقه على حالها ابقا اولندقدن صكره اقليم مصر ندره العصر ماده سيلاه وضع انامل تعرضات باعث انفساخ شيرازه مسالمات اولقى ملابسه سيلاه بيك ايكي يوز اون اوچ سنه سى محرمى واسطنده مصرى استيلا وقوعنده اول امرده طرف دولت عليه ابدمدتدن سرعسكر تعيين وارسالى وبعده سنه مرقومه ذى الحجه سنده حسب الاقتضا توفيق ربانى در سعادتن برأ مختصر اردوى هايون ظفر مقرون وايرتسى سنه دخى لزوم مصلحته مبتنى قدر يلكن دونماى هايون نصرتمون اسبالى ايله تدابير لازمه اجرا ومتفق سلطنت سنه اولان انكلتره دولتى جانبندن دخى طرف مصره سفاین وقره عسكرى ارساليه بالاتفاق استرداد اولكاي مصر معايتنا اولتمش اولغله بعنايت الله الملك القدير اطراف وحوالىسى حرباً وتخليه نزع وتسخير اولتمغن اون التى سنه سى اقليم مصر يه قبضه تصرفه آلدیغندن اسایش رعایایى متبع اولان مصالحه یی دخى اعاده یه طرفین رضاداد اولدیغنه بناءً بوفقی کثیر التقصیر ركب هايون میمنت مقرون امد جیلکی خدمتده مستخدم ایکن سنه مذ کوره شهر ذی القعدة الشریفه سنك

بشنجی کونی جانب معالیناقب حضرت کیتی ستانیدن مصالحه خیریه عقد و اتمامه و مأموراً پارس طرفه باخط هایون اهرت مقرون مرخص تعیین قلندیغ حسبیه بعد تهیه لوازم راه متوکلاً علی الله و متوسلاً بروحانیه رسول الله شهر شریف مرقومک یکریمی یدنجی کونی

بارک الله السبت والخمیس تأمل و میامین و سعادت الطاف الهیه دن تفأل ایله دارالسلطنت السنیه دن برآ حرکت و صون کامل العون حضرت یزدانی ایله سلوری و برغوس و آندن قرق کلیسیاه و آندن قرین آباد طریق بلقانندن شومنی قصبه سنه مرور برله شهر ذی الحجة السعیده نك طقوزنجی مبارک اثنین کونی اول طرفه قصبات سائر هیه خلافاً ایفای امر ذبح قربان مثوبات نشانه حسب الثبوت مسارعت اولندیغندن صلوة عید اضحای مسعدت احتوا قصبه مرقومه ده ادا و اجرا برله حرمة للعید اولکون اقامت و ایرتسی چقلوب هزار غراد پولندن روسجغه عزیمت و وصول فرداسی باران کثیر باران و شدت ریاخ ایله نهر طونه ده طغیان اولق جهتیله بر کیجه دخی روسجقده بیتوت برله شهر مرقومک اون اوچنجی یوم جمعه طونه دن یرکوکیه کذار و صلوة جمعة مبارکه بعدالادا هنطوه سوار اولوب یرکوکیه طقوز ساعت قوپاچین نام قریه یه و فرداسی بکرشه وصول ایله حسب الاقتضا چند کون توقفه ابتدار اولندی بکرش قصبه سنه تقریمزده افلاق و یواده سی میخل و یوادر اردو ترتیب و سراپا بیراق و ضابطانیله پیاده و سواری نفری قصبه مرقومه نك درون و بیرونی امورینی رؤیته مأمور بولنلر و سائر اردو طاقنی تسریب ایتمش اولقدن ناشی سواریان قصبه نك خارجنده و پیادگان داخلنده استقبال و بزم معیتمزده اولان مکالمه کاتبی و ترجمان بکرزاده نك یول هنطولرینی تبدیل ایچون داخل قصبه ده اماده قلنمش اولان اردو هنطولرینه ارکاب برله سواریلر و سراپا اردو دونامش یدک اسلری پیشده و پیاده لر عین و یسارده و طبل و سورها طاقنی هنطولر و راسنده اوله رق تماشا کران اراسندن طرفزه تهیه اولنمش اولان حانه یه ایصال ایتلریله و یوادر مومی الیه دخی خانه مذ کورده مترقب اولدیغندن بعد الملاقات فرداسی و یوادر مومی الیه قورته سنه کیدمک و ایرتسی کون اول دخی تکرار طاقیه طرفزه کلمک رسملری قاعده جاریه اوزره ایفا اولندقدن صکره شهر مرقومک اون طقوزنجی یوم خمیس بکرشدن دخی نهن قوپلوجه قریه سی ویشته و قورته دن ارجس قصبه لرنده برر کیجه و آندن سکرز اون ساعت صعب المرور بالقانی عبور ایله تنشت قریه سنده بر کیجه بیتوت اولنوب بکرشدن حرکت مزک آلتنجی یعنی شهر مذ کورک یکریمی دردنجی کونی نیچه دولتی حدودینه ورود قلندی افلاق مملکتی حدودندن طونه یه جاری اولان نهر ارجس افراد قوپاچین قریه سی پیشکاهندن و بکرشدن قالدقدن صکره دخی بر قاچ مخلصن کچیلوب آخر مرور سالف الذکر ارجس قصبه سی پیشکاهنده اوله رق ریوئه تعبیر اولنان قایغه کنار هنطو و یوک عربهلرینی ادخال ایله قارشوسنه عبور اولندیغندن ماعدا مارالبیان تنشت قریه سنندن درت ساعت ایلرویه لدی الوصول منبعی مجارستان اولق اوزره داخلدن دروننه جریان ایله قله سمتندن طونه یه منصب اولان اوات صوبی نام کنیرجه نهرک برو و اوک طرفلرنده ثقیفاً طرح اولنمش، قیوتس، نام قریه پیشکاهنده کندومن درون هنطوده موجود والی رأس بارکیری ینه هنطوه مربوط و معقود اوله رق کذلک پوت قایغه دخول ایله کچیلوب سائر عربهلر دخی بو وجهله اصرار اولندقدن صکره قیغندن یوله چیقادیغنی کبی لسان ترکیده یار تعبیر اولنور بر ساده دشوار کذاره دوچار اولوب شویله که یار نا موافق کبی خاطر فراش اولدینی بر طرفی بعضاً بلند و بعضاً پس مجرای نهر معهود و بر طرفی اکثر یاچین قیا و بعضاً اشجار و بلاد ایله برئی جبال متعذر الصعود و عرضاً اکثر محله یا لکیز بر عربه صغار و بعضاً عربه نك ایکی جانبندن برر

کسبه متشبه رسن محافظه اولغله کنار بوله بیلور و محال متعدده سنده جبالدن نزول ایدن میاه اجتماعی و خصوصاً بعضاً کنار طریقك ترابی او یولوب عرضی بر عربیه وافی اولماسی جهتلرندن مانع اولان معابر محتاج جسر اولق تقریبیه موجود اولان جسرلرینك بعضاً نصف ستونلری ضروری توسیع سبیل کردونه ایچون کناردن طشره چیقارلش و بوتقرب ستونك فقط برر سری ربط و بند ایله شخص زبان درازکی سبت خطره میل ایلش سردیکری زیرلرینه سالفالد کر محال پیفته زمیندن ناپایدار پاینده لر وضع اولمش بر طریق ضیق ناهمواردن حتی مقدما انکلتزه پرنسلرندن بریسی عیال و اولادیه طریق مزبوردن مرور ایدر ایکن پك تنك اولیان بر محنده هنطویه یاردن نهره افتاده و اثری نایاب اوله رق خدانکرده بر ماده خارق العاده اولغله عبرة لانبالطریق واقعه مرقومه بر حجر اوزرینه حك و تمیق ایله منظره عابرینه وضع اولمش بنابرین طریق مذکورده هنطودن انیلوب بر مدت پیاده و بعده حیوانه سوار اوله رق مذکور یرله ایکی ساعته قریب بو حال ایله کیدلکدن صکره بر میدانیجغه چیقیلوب سلطنت سنیة ابدی المدت ایله نمچه دولتی اراضیسنك اول سمتده حدود فاصلی اولان بر نهر صغیرك بر طرفنده داخل قلعه دن و حذاء طرف دیگرنده نمچه لودن چند نفر مستحفظ بر قولبه ده ایستاده اوله رق نهر مذکور کو پر یسندن بلا مزاحم مرور ایله داخل اولندقدن کراولنان نمچه لونفراتی دولترنده رسم اکرام اولندیغی وجهله تفنك دست قیام و اندن ایلروینه راه تر محن قربندنینه سالفالد کر اولت صوبی کنار یله بر منوال ساقی کیدیلهرك حدوددن بر چاریك اوتده طریق مزبوری سد و نهارا قالدیریلوب للاً محله بند ایچون اخشابدن یاپلش پرمقلى دروننده واقع قره غول خانه ده مقیم چند نفر سلتاتلر دخی رسم مذکورى اجرایه اهتمام ایتمکه اوچ چاریك ایلروده جبالین آلتنده برسمتده واقع بش اون خانه دن عبارت قرانته و لازاوت یری دیدکلری محل که ابنای سبیلی خسته لکدن احترازاً قرق کون و خسته لك اولمدیغی مدته بش اون و اقل اوچ کون توقیف و تأجیل ایتدکلری معبردر .

[ دوام ایده جك ]

### عننه

خداوندگار والیسی اسماعیل حقى بك افندی به اتحافدر .

« عننه » کله سنی بو آره لق tradition مقابلی قوللانیورز. بوافظ حقنده بعض مرتبه تدقیقاتده بولوندم . واقعا « عننه » حرفی حرفنه - ترادیسیون - ی مفید دکله ده کثرت استعمال ایله آرتق اومعناده تقرر ایتش کی کورینیور . بناء علیه بر مسئله احداث ایتنه دن آنك بوشکلده قوللانیله سنه دوام ایتلی یز .

بوتوطئه لسانیه دن صکره عننه یی بر آرتعریف تجربه سنده بولونه لم : آرای جاریه به نظراً عننه طوغری و یا خود یا کلش مناقبک آغزندن آغزه ، برنسلدن دیگرینه انتقالی ، ماضی ایله حالک خط وصل و تمادیسى ، اسالیب مساعی و مقالاتك ، طروز افکار و حسیاتك بطناً بعد بطن دواچی کی بر معنایی افاده ایدر . بلکه بو تعریف بتون بتون افرادی جامع ، ینه بلکه کاملاً اغیارینی مانع دکلدر . بونکه برابر صادقدر ؛ طوغریدر . شو تعریفدن بر نتیجه چیقاره بیلیرز : عننه ده شرط تمادیدر .